

17 декабре
1940 аре
№ 96 (142)

Номерлэн дуныз 5 коп.

ВЫЛЬ УЛОН

2-ти АРЗЭ ПОТЭ

ВКП(б)-лэн УАССР-ысь
Понино Райкомезлэн
но Райсоветлэн
газеты.

Физкультура но спорт ужен кивалтонэз кулзез'я пуктоно

Правительство, партия, комсомол, профсоюз ёс физической культуреазь развить каронлы бадзым вниманине вис'яло. Со валамон: асьме государствомы кулзэн лыд'я сое, что бы советской калык'ёс медлуозы физически юнмамынэсь, тазаесь, выносливоесь. Котыкинлы тодмо, что физической развите бадзым значение иметь каре калыклэн производственной ужаз но социалистической государстволэн оборонаяз но. Вакчияк вераса—физической культура коммунистической воспитанилэн общою задачаосызлэн уг люкыськы.

Солы ик советской калык ярато спортэз, бадзым мылкыдэн заниматься карысько соин. Тужгес ик толалтэ куас вылын ветлон народной спортэн лыд'яське.

Гражданской война ар'ёсы ик куас'ёс вылын синмасыкомонэсь боевой действиос ортчыт'ямын. Ваньмыз тодо интернациональной школаысь курсант'ёслэсь, Карело-Финской калыклэн героелэн Тойво Антикайненлэн кивалтэм улсаз 1000 километр'ем переходзэс. Соку соос Кимас—озеро дорын противниклы зол шуккет сётыны быгат'ясы.

Кылем толалтэ лыжник'ёсмылэн финской белогвардейщинаен нюр'яськемыз возмат'ыз куас'ёслэсь военной ужын кулэлыкэс. Асьмелэн калыкмы тодэ Мягков, Иромов, Туркава но мукет геройёсты—лыжник ёсты, куд'ёсыз возмат'ясы аслэсьтызы героической подвиг'ёссэс. Соослэн ним'ёссы но подвиг'ёссы котыкуд трудяшойлы примерен луыны кулэ тушмонэн нюр'яськон дыр'я.

Кемалась өвёл Карело-Финской ССР-ысь комсомолец'ёс Горьковской, Молотовской но Архангельской областёсысь комсомолец'ёслы заочной лыжной соревнованиос орчытыны вазыськызы. ВЛКСМ лэн ЦК-ез кут'ыз нимысьтыз решение Красной Армиелэн XXIII годовщинаезлэн нимыныз комсомольской лыжной кроссез орчытыны. Та инициатива асьме районын но куэмын но комсомолец'ёс пöлын вöлмытэмын луыны кулэ ни вэл. Однако та удысын райноамы номыре но уг лэсьт'ясыкы. ВЛКСМ-лэн райкомез лыжной соревнование пырыськон пумысь номыре но өз лэсьтына. Карело-Финской комсомо-

лец'ёслэсь вазыськемыс комсомолец'ёслы өз но ивортэна. Тол вуэмен куасэн ветлон нормаосты сётон борды кутскыны кулэ вал ни. Озыы ке но, та дырозь одиг норма но кутымтэ на. Та удысын ужлэн мынымизез возматэ сое, что райсфкалэн везез бумага вылын гинэ лыд'яське. Райсфка тол но гужем но физкультурной мероприятиосты орчыт'янен уг кивалты.

ВЛКСМ-лэн ЦК-езлэн решениез'я комсомольской кросс орточоз 1 февральысён 28-тй февральзэ 1941 арын. Солэн цельёсыз но задачаосыз: — „ГТО-лэн комплексэзлэсь куасэн ветлон'я нормаосты сётонэ комсомолец'ёсты массовой кыскон но комсомолец'ёс маршевой но лыжной дасьлыкэс азыланьын будэтон“.

Кросслэн условиосыз тупатэмын озыы, что соревнованиын вормозы умой умой дасяськем, тренированной командаос гинэ. Озыы бер, чик моятэк тренировка борды кутсконо. Та бадзым ужын валт'ясы инты басыны кулэ актив. Али спортивной командаос кылдыг'яно. ВЛКСМ лэн райкомезлы но райсфкалы командаосын кивалтонэз умой пуктоно. Лызэ басыно кытын, көня уг окмы куас'ёс но райпоен герзасыкыса окмымон куас ваёно но командаосты тырмыт куасэн обеспечить кароно.

Та удысын вормисен потыны быгатоз котыкудыз команда, солы тренироваться карыськыны гинэ кулэ. Уродлуоз соиз команда но командир, куд'ёсыз кроссын азымынсен потон понна уз сюлмасыке. Вань асьмелэн комсомолец'ёс, несоюзной егит'ёс, куд'ёсыз асьсэлэсь тазалыкэс юнматон сярись уг сюлмасыко. Сыче егит'ёс соревнованиын асьсэлэсь коллективзэс пöялозы. Физической культура шоры чиньы пыртй учкон мылкыдлы чурит нюр'яськон ялоно. Коллективлэн задачаез—сыче егит'ёсты возытэ вутылоно, валэктылоно физкультуралэсь кулзэз, нош кулэ дыр'я куд оgezлы наказание сётылоно.

Котыкуд комсомольской организация, осоавиахимовской организация вылэ лыжной кроссез „отлично“ орчытон ужын бадзым ответственность усе. Котыкуд комсомолец—писо но ныл но куас вылэ султон лозунг ужын толалтэ лыжной спортэз орчытоме.

Советско-германской границыалы демаркациез быдэстэм сярись

Советской Социалистической Республикаезлэн Союзезлэн но Германиялэн Центральной Смешанной Пограничной Комиссизы советско-германской границыалы демаркациез быдэст'ыз. Граница тупатэмын вал Советской Социалистической Республикаезлэн Союзез но Германия кустын дружба но граница сярись 1939 арын 28 сентябрез гожтэм Договорен но та договор борды 1939 арын 4 октябрез дополнительной протоколэн.

Центральной Смешанной Комиссизылэн но солэн Подкомиссиосызлэн ужзы 10 толэзэ чоже орчытэмын вал но мынйы СССР но Германия кустын дружественной отношенииосы тутазь сотрудничествоын Границалэн орточ линияезлы описание но та линиялэн картаез юнматэмын Советской Социалистической Республикаезлэн Союзезлэн Правительствоосыз но Германской Правительствеосыз.

17 сентябрез нимо сельскохозяйственной артелиын (Несвижской район, Барановичской область БССР) жытазеосын ужан общеобразовательной школа кылдытэмын, кытын 65 мурт колхозник'ёс но единоличник'ёс дышетско.



Урокин Сталинской Конституциез изучать каро. ТАСС-лэн Фотоез.

Орденоносецез пумитанлы митинг

13 декабрез, 6 часэ жытазе районной клубын орденоносец—Максимов Арсентий Тимофеевич эшез пумитанлы митинг орчытэмын. Татын 150 муртлэсь но трос калык участвовать карыз. Соос туж шум потыса, кужмо кичапкон'ёсын Максимов эшез пумитазы.

Райсоветлэн исполкомезлэн председателезлэн заместителез Четвериков эш митингез ус'ят'ыз но кыл сёт'ыз верасыкыны орденоносецлы—Максимов эшлы. Максимов эш ас выступлениез вераз, что со выль

награда орден Красного Знамени правительствеосыз басыт'ыз боевой заслугаос понна. Японской самурай'ёсын Холкин-Гол шур дорын нюр'яськоннын командованилэсь боевой приказзэ быдэстэм понна.

Со бере митингын выступить каризы райвоенком—Чирков но ВКЦ(б) райкомлэн секретарез—Черезов эш'ёс.

Таин митингез райсоветлэн исполкомезлэсь председателезэ вошт'ясы Четвериков эш пытсамен ял'ыз.

Граница сьöрысь ивортёс

Западной пустыняын военной действиос

Лондон, 13 декабрез. (ТАСС). Рейтер агентстволэн ивортэмез'я Западной пустыняын английской войскоослэн наступать каронзы ялам мынэна. Агентстволэн каирской корреспондентэз гожтэ, что итальянской пленнойёс 20 сюрэ муртлэсь но трос.

Ближний Востокуын английской воздушной кужы'ёслэн командованизылэн ивортонэз гожтэмын, что 11 декабрез английской авиация бадзым активностысь возмат'ыз. Сухпутной кужым'ёслэн наступлениезылы юрттыса, бомбардировщик'ёс но истребитель'ёс вискарытэк бомбардировать карылызы огазе люкэсь-

кем неприятельской войскоосты но противниклэсь аэродромзэ. Көня ке тонна бомбас куштэмын вал Соллум вылэ. Бомбардировать каремын противниклэн Гамбатысь, Аейзысь, Менасторысь, Эль-Эдемеысь, Эль-Губиысь, Дернысь, Эль-Тмиимысь но Эль-Газлаысь самолет'ёс пуксылон площадкаосыз. Муз'ем вылысь неприятельской самолет'ёс па-ямын но сöрылэмын.

Малпало, что 8 эз неприятельской самолет'ёс быдтэмын вал. Бойёс мынйы 24 час чоже. Одыгез гинэ английской самолет ас базаяз өз берытскы

Американской ивортон'ёс

Нью-Йорк, 13 декабрез. (ТАСС). Ассошиэйтед Пресс агентство ивортэ, что 12 декабрез уйин германской самолет'ёслэн Лондон вылэ налет'ёссы 14 час чоже мынйы.

Юнайтед Пресс агентство лэн ивортэмез'я, толон уйин но туннэ Чукна германской

самолет'ёс атаковать каризы Англилэсь но Уэльслэсь ваньзэ сямен ик район'ёссэ. Бомбардировать каремын страна-лэн центрысьтыз город'ёс пöлысь одыгез но северо-восточной побережысь одиг город.

Испытаниос сетыны дасясько

Понино сельсоветысь „Восход“ колхозын гожтэт тодысьтэм ёс аслэсьтызы неграмотностьэс быдэстон борды мылысь-кыдысь кутскизы. Татын 8 мурт гожтэт тодысьтэм ёс нырысети январозь неграмотностьэс быдтэмзы сярись испытание сётыны дасясько. Соос регулярно ветло ликпунктэ дышетскыны. Таосын занятие орчыт'яны ветлэ Понино СШ-ысь дышетйсь В. С. Вершинина эш.

Адамской сельсоветысь Адам колхозын ликвидатор Л. И. Поздеева эш та мероприятиез мылысь-кыдысь орчыт'яса, туэ 8 мурт малограмотнойёсты выпустить каризии.

Нош таин чош ик вань но дышетйсьёс, куд'ёсыз ликбез уж борды умой-умой та дырозь өз кутске на. Озыы Заболотновской НСШ-ысь дышетйсь Каркин, Везьякар колхозэ неграмотнойёсты но малограмотнойёсты дышетыны юнматэмын вал, нош мылыз потымтээн 7 классэз быдэстэм мурт'ёс вылэ оскыса улэ, чем дыр'я „Висько“ шуыса нöм шедьтылэ, соин сэрэн, т'яни, Везьякар колхозын гожтэт тодысьтэм'ёсты дышетон уж туж ляб пуктэмын.

Малпасько, что РОНО кудог учительёслэн ликбез ужын сыче ужамзэс эскероз но соослэсь кулзез'я ужзэс требовать кароз.

А. Афонин.

Итальянской

командованилэн сводкаез

Рим, 13 декабрез. (ТАСС). Стефани агентство итальянской командованилэсь таке сводкаез сётэ: „Киренайка граница вылын, Соллум но Сиди Баррани кустын толон мынйз лек жугиськон милям вайскоосмы но прогивниклэн бронетанквой частьёсыз кустын. Тузонэн кужмо сильтöл'ёс ке но вал милям истребительёсмылэн эскадрилюсмы Чукна шунды жужаку куткыса жытазе шунды пуксытозь бомбардировать карылызы противниклэсь соединениосэ. 9 декабрез бере орчем дыр чоже воздушной бойёсын противниклэн 18 самолет'ёсыз уськытэмын. Та дыр чоже ик милям 12 самолет'ёсмы ас базаосазы өз берытске.

Греческой фронтын номыре ик вылез өз луы. Пичиесь гинэ местной атакаос дугдытэмын вал“.

Азинскем'есын гинэ буйгатскыны уг яра

Понинской МТС-ын кылем ар'есын сярэе туэ сезонын ремонт уж шедскымон умояз. Кылем арын декабрь толэзе ремонт умой-умой кутскымтэ на вал, февраль толэзе сельхозмашинаос 50 процентлэсь но ичигем ремонтировать каремын вал. Нош туэ 10 декабрь азелы басьтыса, 75 плаг'ес пöлысь 44-эз но 27 культиватор'ес пöлысь 17-эз ремонтировать каремын ни.

Та ужын азьвылскизы: Золотаревской тракторной бригаде (бригадирез В. Золотарев), Чановской бригаде (бригадирез—П. Урсегов). Та бригадаос сельхозмашинаоссэс 100 процентлы ремонтировать карызы ни. Умой ужа ремонтын тракторист В. Л. Будин, со котыкыче поручить карем ужды добросовестно отнотысь карыське. Солэн инициативаез'я трактор ремонттысь потыз ни.

Озы ик ужды учёт нуон туэ арын трослы умояз. Ремонт

тын ужасьёс кылем ар'есын одйг ужлы кыкполэс, куинь-полэс наряд гожтылызы, татысен ремонт вакытын перерасход луылыз. Туэ та уж умой пунктэмын, наряд вылэ каждой машиналэн, тракторлэн номерез гожтыське.

Нош та азинскем'есын гинэ буйгатскыны уг яра. Ремонтлэн сезоназ самой главной ужен лыд'яське трактор'эсты ремонтировать карон. Однако та ужын азинскем'ес өвөл на луэмын. 1:41 арлэн нырысетий январёяз план'я 24 трактор ремонттировать карыса быдэстэмын луыны кулэ, нош туннэ нуналозь 2 трактор гинэ ремонттысь потэмын.

Ремонттын ужасьёслэн основной задаказы али луыны кулэ-трактор'эсты тупат'ян, соосты ремонттысь поттоно жог но выльй качествоен ремонттировать карыса.

Шудегов, Куртеева

Пудолы переписез ортчытон-вань общественностьлэн ужез

Пудолы перепись ортчытон общественной контролез умой пуктыны но переписьлэсь кулэлыкэс массаослы валэктны понна, котыкуд колхозын перепись ортчытон'я бригада содействия кылдытэмын. Та бригадаос ваньмыз утвердить каремын сельисполком'эслэн заседаниосаз.

Бригадаослэн член'ёсызлэн задаказы—перепись кутскычозь (1 январёз 1941 ар) колхозник'ес но колхозницаос пöлын паськыт вöлмытыны массово—раз'яснительной ужез. Соослы валатон пудолы но тыло бурдолы перепись ортчытонлэсь кулэлыкэс. Со сяна бад'зым юрттэт сётоно луо колхоз'есын общественной пудолы инвентаризациез орчытонын. Нош перепись орчы-

тон дыр'я бригадаослэн задаказы—пудоез натураен проверить карон, чтобы одйг хозяйство но одйг пудо йыр но переписе шедьтэк медаз кылы.

Перепись азе умой дасяскыны но сое образцово ортчытыны понна али ик мобилизовать кароно та уже вань общественностез. Вань колхоз'есын фермаосты тырмыт укомплектовать каронэз но ичизэ вераса 60 процентлы маточной составен фермаосты обеспечить кароно.

Озы пудолы переписез орчытоме пудо вордонын эшшо но азинскон'ес басьтон лозунг ужын!

Ившин, нархозучетлэн участковой инспекторез.

Украинаысь переселенец-коммунист М. Н. Васюк, арлэн нырысь толэзьёсаз „Новая жизнь“ колхозлэн председателез быремын вал. (Смидовичский район, Еврейской автономной области) Колхоз азинлыко быдэстиз сельскохозяйственной арез но люкылэ одйг трудоденьлы 10 манет коньдонэн (натуральной доход'эсты вератэк).



М. Н. Васюк эш выль лыктэм переселенец'еслы коркаос лэсьтиськонын.

Уставез уже кутон

Общественной колхозной хозяйствеоз будаганын туж кужмо орудием общественной артельной фонд'ес луо. Туэ басьтэм урожайысь ваньмыз фонд'ес тырмыт кылдытэмын луыны кулэ. Озы ке но районьсытымы куд-ог колхоз'ес та ужын туж могало Дондыкарской сельсоветысь Яул колхозын котыкыче условиос вань, чтобы ваньэз та фонд'эсты кыстыны, нош со озы өвөл Семенной материал 393 центнер кыстытэмын луыны кулэ вал, кыстытэмын 360 центнер гинэ. Озы ик страховой фонд но 45 процентлы гинэ кыстытэмын.

Колхозлэн счетоводэз С. Дмитриев та фонд'эсты тыр-

мыт кылдытон интые ачиз колхозник'ес пöлын урод мылкыдын вераськон нуэ. „Если ачимес фонд'эсты тырмыт кыстым ке, то соку сютэм кыльём, азыло колхозник'еслы трудоденья люконо. Кылемзэ гинэ неделимой фондэ кыстыно“ шуэ Дмитриев, Тросаз колхоз'есын вань на та'че калык'ес куд'ёсыз сельскохозяйственной артельлэсь уставзэ кулэлыкэн уг лыд'яло, тйяса уло.

Райзолы но сельисполком'еслы та'че вераськон'еслы пумит чурит нюр'яськоно луоно.

Булдаков

Тулыс ю кизён азелы дыраз дачконо

Вуоно арын выль урожаез басьтон понна но тулыс ю кизёнэз вакчи дыр кустын орчытыны понна али дасяскыны кулэ ни вал. Нош кудог колхоз'есын та уж борды али но өз кутскелэ.

Почашевской сельсоветысь Ягошур но П-Кляпово колхоз'есын тулыс ю кизен азелы дасяськон туж ляб пунктэмын. Вань сельскохозяйственной тирлык'эсты одйг азе люкаса одно ик моготэк тупат'яны кутскемын луыны кулэ вал,

нош та выль верам колхоз'есын плаг'ес, усыос но мукет'ёсыз лымы улын пазямын. Кибитын кузнец'ес өвөлэн шу-са колхоз'еслэн кивалтисьёсы юматскизы но сельскохозяйственной тирлык'эсты тупат'янез вунэтйзы.

Ягошур но П-Кляпово колхоз'еслэн кивалтисьёсылы тулыс ю кизен азелы одиг но моготэк дасяскыны кутсконо луоз.

С. Трещилов

Кинлы вань кинлы овол

Асьме райцентрысь столовойн порядокез пунктэме сярэе „Виль улон“ газетлэн страницаосаз одйг пол гинэ ой ни вал гож'ямын. Озы ке но со беспорядок ялам продолжаться карыське. Татын неноку но умой сион'ес уг луыло, нош луэ ке но сое райпоын ужасьёслы но тодмоосылы гинэ лэзьыло. Соос столовое пыро ке столовойн ужасьёс пыдчиныйыл ветло, өвөлзэ но вань карыны туртско. Кылсярысь, 7 декабре, столовое пырыса яичница курисько вал, мыным яичница өвөл шуыса өз сётэ. Кема ик улытэк татчы пыриз милиционер—Ураков. Ураковлы отын ик яичница выписать карызы. „Кытысь Ураковлы яичница шедьтйды“ шуыса юамлы—„Со гуртысь тыз курегпуз ваиз“ шуыса веразы.

Та'че ик уж луиз 11 декабре жытазе 7 часэ столовое сиськыны лыктыса яичница выписать карыны курысько вал. Мыным нош ик яичница өвөл шуыса буфетчица вераз. 8 часэ лыктызы 2 милиционер'ёс, таослы нош ик яичница сётйзы.

Та гинэ өвөл, милиционер'ёслы оло ма шуыса столовойн буфетысь тöды нянь сётчало.

Верано луэ, что та'че беспорядок луылэ соин, что райпо ласянь столовое конкретной кивалтон уг нуиськы, чем дыр'я райпоын ужасьёс талы асьсэос способствовать карыло.

Юано усе ку гинэ быроз столовойн та'че беспорядок, ку дугдозы столовойн ужасьёс кинлы вань, кинлы өвөл принцип'я ужамысь? К.

Прогульщикез ответственность улэ кысконо

Понинской маслозаводлэн директорез—Баженов трудовой дисциплинаез тйяса улэ. Озы со 9-тй декабрькен 12-тй декабрьэз ужан час'ес дыр'я юкса орчытйз нунал'эсты. 11 декабре Кырлуд колхозэ Баженов мынйз ужез шуса, но со татын лумбыт юыса улйз. Ачиз гинэ өвөл, Баженов аслэсьтыз сотру-

ник'ессэ но чөш ик юыны кутылэ. 9 но 12 декабре сотрутник'есыныз чөш ужан час'ес дыр'я лумбыт-лумбыт нунал'эсты пиянчаяса орчытйз.

Прокуратуралы Баженовлэсь сы'че факт'ессэ эскероно но прогул лэсьтэмез понна сое ответственность улэ кысконо.

Е. Баженов.

ЭН ВУНЭТЭ!

1941 ар азелы «Виль УЛОН» газетлы гожныны эн вунэтэ. Газет потэ толэзяз 8 номер. Газетлэн дуныз 5 копейка, одйг толэзьялы 40 копейка, кык толэзьялы 80 копейка, кунь толэзьялы 1

манет но 20 копейка. Арлы 4 манет но 80 копейка. Газетлы гожныны луэ союзпечататын, почталэн отделециосаз но письмоносец'ёс дорыг. Гожтыськон кутыське котыкуд толэзьялэн 1 числоозяз.



Кировлэн нимыныз нимам колхозысь молочно-товарной фермаысь скал кыскысьёс стахановчаос (Карагандинской область) пэлян-галыкен бурпалаз А. А. Зондер, М. И. Дорнес но А. В. Макс, котыкуд фуражной скал'еслэсь 1600—1700 литр йөл кыскизы.

ТАСС-лэн фотоез

СУД

Туэ арын 13 декабере Понинский районьысь калык суд колхоз ваньбурез тус-тас карысь шайкалэсь (Булдаков Яков Сидоровичлэсь, Филиппов Александр Григорьевичлэсь, Булдаков Гаврил Андреевичлэсь но Королев Иван Дмитриевичлэсь) ужзэс эскериз.

Булдаков Яков Сидорович Пышкец колхозын кладовщик луыса ужаса колхозной ваньбурез тус-тас карыны луонлык'ес мед луозы шуса складын ю няньлы учётэз таргам, отвейез но дун тысез приходовать өвөл карылэм, Озы ревизиен 16 центнер но 72 кгр. приходэ уськытымтэ ютысь шедьтэмын. Я. С. Булдаков куинь мурт колхозник'эсты котыраз люкаса колхозлэсь няньзэ вораллям. Со шайка кутсаськоньсы ю-тысь ворттыкузы кык-куинь мешокен колхозной ю нянез гурт'эсазы пыргылызы.

Та лущкаськемыз сярэе подсудимой Г. Булдаков ачиз но янгышен признать каре но судлы „умойтэм лэсьтыськиз“ шуса вера.

Таослэсь виноватсэс шедьтыса калык суд приговорить кариз: Булдаков Яков Сидоровичез 5 арлы тюрьмаын пукыны но 3 ар политической праволэсь лишить карыны; Булдаков Гаврил Андреевичез 2 ар тюрьмаын пукыны, Филиппов Александр Григорьевичез но Королев Иван Дмитриевичез быдэн одйг ар но куать толэзь тюрьмаын пукыны.

Виновник'ес ньыльназы судысен ик стража улэ кутэмын.

Нарсудья—Главатских

Отв. редактор В. Наговицын